



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimè explicantur

Gavanti, Bartolommeo

Antverpiæ, 1646

De Cærimonijs Horarum Canoniarum in Choro recitandarum. II.

urn:nbn:de:hbz:466:1-40233

De Cerimonijs Horarum Canoniarum in Choro recitandarum.

CAP. II.

1 Proprios mores vnaquæque habet Ecclesia & laudabiles consuetudines, quas non tolli à Cerimoniali Romano, neq; à Rubricis Breuiarij, sæpiùs declarauit sacra Rituum Romana Congregatio: sed videant Episcopi, ne ita pugnent cum vniuersali Ecclesia, vt peritorum iudicio minùs sint laudabiles consuetudines.

2 In Breuiario quatuor tantùm, quæ ad hanc rem faciunt, adnotata in Rubricis reperiuntur. Primum est, quòd Hebdomadarius clara voce dicat, *Domine labia mea*, & c. initio Marutini Officij, *tit. 13. num. 1.* Alterum, quòd in Precibus ferialibus dicat clara voce totum *Pater noster*, & c. & habetur *tit. 32. num. 2.* Tertium, quòd idem dicat easdem Preces flexis genibus vsque ad Versum *Dominus vobiscum* exclusiuè, circumstantibus genuflexis vsque ad *Benedicamus Domino*. Vide *tit. 34. num. 4.* quæ certè sunt rationi consentanea & communi consuetudini vniuersalis Ecclesiæ. Quartum est, quòd idem surgat ad Orationem, quæ dicitur post Antiphonam B. Virginis in fine Officij, *tit. 36. num. 5.* Hæc in Breu.

3 Habentur alia in Cerimoniali Episcoporum ad hanc rem peropportuna: & Primò, quòd coram Sacramento Eucharistiæ sanctissimo stare debent omnes aperto capite ad Horas omnes, *lib. 2. cap. 33.* vel, si sedeant, caput numquam cooperiant, puta ad Matutinum. quod ordinariè prolixius est Officium.

4 Standum item erit ad initia Horarum, ad Inuitatorium, Hymnos, Capitula, Responsorialia breuia, Versus, Absolutiones, Benedictiones, textum Euangelij ante Homiliam, Cantica Euangelica, Orationes, Commemorationes, & Suffragia communia Sanctorum; item ad Antiphonas finales B. Virginis tempore Paschali, & in diebus Dominicis à primis Vesperis, quod habetur expressè ex Concilio Aurelianensi apud Burchard. *lib. 13. Decret. cap. 3.* & Iuo. *lib. 2. cap. 183.* & aliàs attulimus propriam causam, ob memoriam scilicet Dominicæ Resurrectionis. Ad ea item in Versibus & Responsoris, quæ in Euangelio lecta genuflexionem postulant: vt, *Verbum caro factum est*; & *Proidentes adorauerunt*, & c.

5 Sedendum est ad Lectiones, & ubi est consuetudo, ad Responsorialia & ad Martyrolog.

6 Dubitatio est de Psalmorum cantu: nam varia est consuetudo. Aliqui stant, & hi laudabiliùs; alij sedent: alij ad Psalmos Matutini & Laudum sedent, ad reliquos stant; alij ad eosdem Psalmos alternatim stant, & sedent. Vnusquisque abundat in sensu suo.

7 Ad Symbolum S. Athanasij, quod dicitur ad Primam, alij stant, alij sedent. Certè laudabilius, sine Symbolo, siue quasi Psalmus ille sit, recitant stantes, ex Decreto S. Rituum Congregationis die 23. Decemb. 1624.

8 Genuflectitur etiam in Choro ad ea, de quibus diximus *superiori capite num. 4. & 7.* & præterea ad *Tu autem Domine*, & c. in fine Lectionum à Lectoribus, ex Cerimon. Episcoporum *lib. 2. cap. 6.*

9 Inclinator caput, vt supra dictum est *num. 5. cap. præced.* quibus addun-

tur

tur casus alij, vt idem fiat à Lectore dum dicit, *Iube Domne*, &c. versus Hebdomadarium, ab omnibus ad nomen Papæ viuentis, ad Versus sequentes Psalmorum, *Sit nomen Domini benedictum, Sanctum & terribile nomen eius, Benedictus Dominus die quotidie, Benedictum nomen maiestatis, Benedicat nos Deus noster, benedicat nos Deus.* quod multis placeat. In Completorio ad *ψ. Benedictus es Domine Deus patrum nostrorum, Benedicamus Patrem*, &c. *Benedictus es Domine in firmamento cali.* Locorum consuetudini standum erit.

10 Signum Crucis sibi adhibent multi, præter ea quæ capite superiore adnotauimus *num. 6.* ad initium Canticorum Euangelicorum, quia Euangelia sunt: & quidem ad *Magnificat.* idem præscribitur Episcopo in Cærimoniali Episcop. *loco citato cap. 1.* Quare eadem erit ratio & aliorum similibus Canticorum, nisi fortè illud præscribatur ratione processionis à sede ad Altare, vt, antequam moueatur à sede, muniat se Crucis signo; sed primum est verius.

11 Cantores vt plurimum iuxta Cærimoniale Episcoporum cantant Inuitatorium, initia Psalmorum, Versus, & Responsoria; Hebdomadarius autem primam Antiphonam, Capitula, Antiphonam ad Cantica Euangelica, initia quorundam Hymnorum, & Orationes dicit. Lectiones legunt, qui in Choro sunt, iuniores primas, seniores vltimas, singuli singulas, ex Cærim. Episcop. *lib. 2. cap. 6.* verùm, vt diximus supra, consuetudines locorum variæ & laudabiles non sunt in hoc genere à Cærimoniali Romano abrogatæ.

12 Ratio prædictorum satis patet,

partim ex iis quæ supra scripsimus *Sect. quinta*, vbi de singulis Horarum partibus; partim ex ipsamet consuetudine, quæ est altera lex de re rationabili & valdè congrua, à saniori parte vniuersalis Ecclesiæ recepta, & diu retenta.

De Cærimoniis Horarum Canoniarum in Choro solemnitus recitandarum.

C A P. I I I.

1 **Q**uatuor ex Horis Canonice solemnitate habent in Choro, nempe Matutinum cum Laudibus, vt in nocte Natiuitatis Domini; Prima in Vigilia Natiuitatis eiusdem, ratione Martyrologij; Vesperæ frequentiores; & Completorium quandoque in Quadragesima. De his hoc loco singillatim est dicendum, in gratiam eorum præsertim, quibus non est præ manibus Cærimoniale Episcoporum, seu Canonicorum.

2 Matutinum igitur numquam cum Pluuiali cantatur, ex Cærimoniali Episcop. *lib. 2. cap. 6.* quod ad Laudes & Vesperas adhiberi, docent Rubricæ *Missal. tit. 19. num. 3.* sed, dum cantantur Lectiones tertij Nocturni, parat se Celebrans Pluuiali ad legendam nomam Lectionem, pro qua accenduntur duo cerei ab Acolythis, parantur duo Cantores cum Pluuialibus; neque recedunt Acolythis, donec tota Lectio fuerit absoluta. Ob reuerentiam maioris stantis, dum legit, stant omnes alij qui sunt in Choro, Cærim. *ibid. cap. 5.*

3 Ad textum Euangelicum non adhibetur signum Crucis; neque legitur manibus iunctis, sed hinc inde supra legile positus, seu supra librum, Cærim. *cap. 5.*